

# UiTM, UIAM unggul Debat Gender 2013

**Seri Iskandar:** Universiti Teknologi MARA (UiTM) dan Universiti Islam Antarabangsa Malaysia (UIAM) masing-masing mengungguli Debat Perdana Gender 2013, Antara Institusi Pengajian Tinggi (IPT) Malaysia, kategori Bahasa Melayu dan Inggeris, semalam.

UiTM yang diwakili Mohammad Johan Mat dan Rabiatal Adawiyah Sulaiman, menewaskan pencabar dari Universiti Malaya (UM), Universiti Putra Malaysia (UPM) dan Universiti Sains Islam Malaysia

(USIM) pada pertemuan peringkat akhir di Dewan Cancellor, Universiti Teknologi PETRONAS (UTP) di sini.

UIAM yang diwakili Khadijah Shamsul dan Mubarrat Wassey pula menewaskan pencabar dari UM, UIAM, UiTM dan University of Swinburne.

Mereka menerima piala pusingan, piala iringan dan wang tunai RM3,500.

Mohammad Johan dan Mubarrat Wassey masing-masing turut

membawa pulang piala iringan beserta wang tunai RM500 apabila dinobatkan Pendebat Terbaik Perlawanan Akhir bagi kategori masing-masing.

Hadiah disampaikan oleh Raja Puan Besar Perak, Tuanku Zara Salim, yang turut merasmikan pertandingan debat itu.

Hadir sama, isteri Menteri Besar Perak, Datin Seri Saripah Zulkifli dan Menteri Pembangunan Wanita, Keluarga dan Masyarakat, Datuk Rohani Karim.